

0-2b

## Lefa

## Inheritance

Ge monna a e hwa a tlogela barwa ba bagolo, moja-lefa ke morwa wa lapa la mosadi wa mathomo. Dithoto le leruo la monna le begwa matsogong ga yo mong wa moloko wa monna le ge bana ba gagwe ba le gona. Gomme motho yo e ka ba rranwane a bona goba rragolo a bana. Ge mohu a hwile e le motho wa melato go swanetše go lefiwa melato kamoka yeo e tsebjago ke moloko go monna. Ge go fedile melato ke gona lefa le tlo abelwa moloko goba difahlogelo goba dihloboša. Dithoto le leruo kamoka di abiwa ke kgadi e lego kgaetšadi ya mohu.

- 2 Gomme ge kgadi e se gona rranwane a motse ke yena a swanetšego go aba lefa kamoka la motse. Ka belo ya mohlologadi ke kgomo ya molomo. Ke gore hlobošo ya gore monna wa gagwe ga a sale gona. Gomme ga e le barwa kamoka ba ka fiwa kgomo kgomo ge e le monna wa leruo. Gomme ntšhi di tla šalela ngwana yo mogolo. Gomme ge rranwane a bona a le gona dilo kamoka ke tša gagwe bana ba tla lelwa ke yena bjalo ka papago bona. Ge go hloka rranwane e le ngwana yo mogolo le bo ngwanabo fela gona dithoto le leruo di abiwa ke kgadi go bana kamoka. Karolo ye e sa abego ke ya dithokgolō goba leruo la malapa fela. Kgoši ga e hwetše karolo go mohu e se go moloko wa yona fela. Ga e le meloko yona e swanetše go hwetša hlobošo ya mohu.

Mo kgorong ya monna e a nago le basadi gona le kgethologanō magareng a dithoto tša gagwe letša malapa. Gomme tša monna di lewa ke bana kamoka. Gomme tša malapa ke bana ba malapa. Gomme dithoto tša malapa di dula di tsebjwa ka malapa a tšona le ge dile šakeng le tee ke monna le bana gape le wōna moloko. Ge malapa a mangwe a na le bajalefa gomme a mangwe a se nabo dithoto tša malapa a go hloka baja-lefa a bušwa ke ao a bja-lefa goba moloko. Lefa le ka lewa kamo mohu a laotšego ka kwano ya moloko.

- 4 Ge taolo ya mohu e sa kgodiše ba ja-lefa go motho yo a filwego lefa ke mohu le ka ganetšwa gape taba ya išwa mošate gore le phumolwe. Ge go sena mofa-lefa wa monna kgadi e swanetše go emela lefa. Moja-lefa e ka ba kgaetšedi ya monna goba morwedi a monna. Ge go se kgadi goba morwedi gona go ka kgethwa motho yo e leng lešika la moloko wa monna le ge e se motho yo a batametšego kudu ka moloko. Gomme seo se ka dirwa ke kgetho ya basadi ka keletšo ya kgoro ya mokgomana goba kgoši. Gomme motho o swanetše go ba motho wa monna goba mosadi.
- 5 moemedi a katlošwa boemeding bja gagwe ke pelaelo tša basadi goba bana bao ba tswetšeng ke mohu goba yena ge ba godile. Gomme moemedi a ka tlošwa ka pelaelo ya tshenyo ya dithoto tša mohu. Gape ge moemedi a sa hlokomele basadi ka tshwanelo. Moemedi o na le tshwanelo ya go buša motse. Moemedi ga ana maatla ge go tsogile pelaelo ka ge e le motho yo a thwatšego go emela mohu. Gomme a ka bewa molato bakeng sa ge a sentše lefaka moja-lefa. Gomme ga a na taolo ya lefa ge e se ka kadimo fela. Ge a sa laole lefa gabotse mmago moja-lefa a ka mo iša kgorong.
- 6 Moja-lefa e a swaretšwego o thoma go laola lefa ge a na le mengwaga goba ge a fihlile sekeng sa go nyala mosadi. Mme e kaba ka lebaka la go feta masome a mabedi a mengwaga. Ge go hwile mosadi dibjana kamoka tša gagwe ka ntle le dikgomo di swanetše go išwa ga gabo ka kgomo. Dibjana tše išwago tšatši le tee le kgomo ke diaparo fela. Gomme ga e le tše dingwe di ya ka molomo. Gomme ka go realo ke gore ga kgopelwa seantlo. Ge seantlo se se gona gona dibjana di ka tšewa kamoka ke ba gabo mosadi. Ga e le dikgomo tšona ke tša moja-lefa. Ge go sena morwa goba morwedi dikgomo ke tša batswadi goba
- 7 moloko wa mosadi. Kabelo e fiwa baja-lefa le moloko. Mašemo a mosadi a emetše seantlo. Gomme ge seantlo se se gona gona morwe a ka lema goba a fa mosadi yo a mo nyetšego. Ge mosadi a sena batswadi gona dibjana tša gagwe tša lapa di ka abelwa

644 *cont.* barwedi ba gagwe. Ge a sena barwedi mmago mosadi wa go hwa  
a ka tšea dibjana tša ngwana wa gagwe goba sehloboša go ngwana  
wa gagwe.

Ka Motlalekgomo

End. S.644

J.P.M. Malatši